

84.

1178—1196.

Bisk. STEPHANS i Tournai Svar till Ärke-Bisk. ABSALON i Lund, rörande sitt hos Påfven gifna förord; Kaniken PETER m m.

K. h. 2: 518. n:o 129.

*Londensi Archiepiscopo.*

Verecundiam meam tetigit litera vestra, Pater, & castigato rubore frontem perfudit, commemorans pro negotijs vestris apud Dominum Papam me fuisse sollicitum, & in consilijs nunciij vestri magistri Tobiae minus desidem quam deuotum. Non modicus est obsequiorum fructus, eos quibus impensa sunt maxime potentes & nobiles vel in modico meminisse. Placet mihi seruitium meum complacuisse vobis, & in vestra gratiarum actione totus accingor & accendor ad maiora, si vel oportunitatem occasio non deserat, vel oportunitas occasione concurrat. Petrum vestrum pariter ac nostrum commendabili morum nobilitate inter iuuenes præcipuum sicut mandastis, quantum nobis Dominus permittit, & commonemus patrum verbis, & promouemus fratrum exemplis. Sacrae paginae studens scholas veritatis in auditorio, scholas virtutis frequentat in claustris: cum neque hic sine veritate virtutem, neque ibi sine virtute combibat veritatem. Duo sugens vbera cito poterit impinguari, vt tanquam saginatus vitulus, vel fortis aries, aut filius arietum de grege Domini ad altare ipsius & ipse immolari possit, & quando vobis placuerit pro alijs immolare. Consideranti mihi quid vobis Domino meo possem mittere, nihil occurrit quo non abundetis & vos, & ideo inter diuitias & delicias Occidentales, Orientale munusculum mitto vobis, ampullam tyriaca probatissima plenam ab Archiepiscopo Mamertino Antiocheni Patriarchae suffraganeo concanonico & amico nostro mihi datam. Humile satis, sed vtile Xenium, magnis & potentibus viris acceptum: quorum & vitæ status fructuosus est in seculo, & exitus a seculo luctuosus. Si quid aliud placuerit vobis quod in Francia, quæ monstris caret, inueniri possit, parati sumus sine dissimulatione quærere, sine dilatione transferre.

85.

1178—1196.

Bisk. STEPHANS i Tournai Bref till Ärke-Bisk. ABSALON i Lund för Kaniken PETER vid dess hemresa.

K. h. 2: 522. n:o 154.

*Londensi Archiepiscopo pro Petro Canonico Genouefæ.*

Iocundam Petri nostri pariter & vestri conuersationem tanto grauius est nobis vel ad tempus amittere, quanto gratius esset ea perpetuo non ca-